



REPUBLIKA E SHQIPËRISË

SHKOLLA SHQIPTARE E
ADMINISTRATËS PUBLIKE

AUTORITETI KOMBËTAR PËR
SIGURINË KIBERNETIKE

Nr. 485/prot. Tiranë, më 20.03 2025

Nr. 1255 prot. Tiranë, më 28.03 2025

MARRËVESHJE BASHKËPUNIMI

ndërmjet

SHKOLLËS SHQIPTARE TË ADMINISTRATËS PUBLIKE

dhe

AUTORITETIT KOMBËTAR PËR SIGURINË KIBERNETIKE

Sot, më datë ____/____/2025 lidhet kjo marrëveshje bashkëpunimi ndërmjet palëve si më poshtë vijon:

Shkollës Shqiptare të Administratës Publike (ASPA), institucion publik qendror, me NIPT L31720451U me autonomi administrative dhe akademike, që ka për qëllim formimin e nëpunësve të pushtetit qendror, pushtetit vendor, si dhe institucioneve të pavaruara, me adresë: Bulevardi "Zhan D'Ark", nr. 33, Tiranë, përfaqësuar nga **Z. Oltjon Muzaka, Drejtor i Përgjithshëm;** (në vazhdim ASPA)

dhe

Autoritetit Kombëtar për Sigurisë Kibernetike (AKSK) institucion publik qendror, me NIPT L71709451E dhe adresë: Rruga "Papa Gjon Pali II", Nr. 3, Tiranë, përfaqësuar nga **Z. Igli Tafa, Drejtor i Përgjithshëm;** (në vazhdim AKSK)

Përmes kësaj marrëveshjeje bashkëpunimi, AKSK dhe ASPA (në vijim, "palët") angazhohen për një bashkëpunim të sigurt dhe të qëndrueshëm, i cili është thelbësor për realizimin e objektivave të tyre të përbashkëta.

Në kushtet e një ambienti digjital gjithnjë e më kompleks dhe në zhvillim të shpejtë, palët synojnë të adresojnë sfidat që lidhen me teknologjitë e informacionit dhe sigurinë kibernetike përmes një bashkëpunimi të ngushtë dhe të vazhdueshëm.

Duke njohur rëndësinë që paraqet siguria kibernetike dhe zhvillimi i kapaciteteve njerëzore në këtë fushë, AKSK dhe ASPA bien dakord të bashkëpunojnë për forcimin e kapaciteteve dhe zhvillimin profesional të nëpunësve të administratës publike si dhe të çdo individ tjetër jashtë shërbimit civil në fushën e sigurisë kibernetike.

Baza ligjore

Kjo marrëveshje është hartuar në përputhje me dispozitat e ligjit nr.25/2024 “Për sigurinë kibernetike”, ligjit nr. 152/2013 “Për Nëpunësin Civil”, Vendimin e Këshillit të Ministrave nr. 138 datë 12.03.2014 “Për rregullat e organizimit e të funksionimit të Shkollës Shqiptare të Administratës Publike, trajnimin e nëpunësve civilë, si dhe të çdo individ tjetër jashtë shërbimit civil” i ndyshuar.

Autoriteti Kombëtar për Sigurinë Kibernetike (AKSK) dhe Shkolla Shqiptare e Administratës Publike (ASPA), bien dakord, si më poshtë:

Neni 1

Qëllimi

Qëllimi i kësaj *Marrëveshje* është të rregullojë dhe të institucionalizojë marrëdhënien e bashkëpunimit midis palëve, për zhvillimin e kapaciteteve të nëpunësve të administratës publike në fushën e sigurisë kibernetike përmes realizimit të trajnimeve të integruara, sipas përcaktimeve të kësaj marrëveshje.

Neni 2

Fushat e bashkëpunimit

Për përmbushjen e qëllimit të kësaj *Marrëveshjeje*, fushat e bashkëpunimit do të fokusohen në:

- 2.1 Kombinimin e burimeve dhe ekspertizës për të ofruar trajnime të përbashkëta në fushën e sigurisë kibernetike dhe inteligjencës artificiale;
- 2.2 Hartimin e kurrikulave të dedikuara për tematikat e sigurisë kibernetike dhe inteligjencës artificiale për administratën publike;
- 2.3 Organizimin e përbashkët të trajnimeve me qëllim rritjen e kapaciteteve të nëpunësve të administratës publike, si dhe të çdo individ tjetër jashtë shërbimit civil në fushën e sigurisë kibernetike dhe inteligjencës artificiale.

Neni 3

Angazhimet dhe të drejtat e ASPA

- 3.1 ASPA merr përsipër të identifikojë dhe regjistrojë nevojat dhe pjesëmarrësit nga administrata publike, si dhe të çdo individ tjetër jashtë shërbimit civil për trajnime në fushën e sigurisë kibernetike dhe inteligjencës artificiale.
- 3.2 ASPA angazhohet që të ofrojë mbështetje logjistike për realizimin e trajnimeve në fushën e sigurisë kibernetike dhe inteligjencës artificiale nëpërmjet sigurimit të ambienteve ose platformave për zhvillimin e trajnimeve online.
- 3.3 ASPA, në bashkëpunim me strukturën përgjegjëse pranë AKSK, ka të drejtë të ndjekë procedurat, standardet, metodologjitë për planifikimin dhe menaxhimin e zhvillimit të ciklit të plotë të trajnimit në fushën e sigurisë kibernetike dhe inteligjencës artificiale.
- 3.4 ASPA, në përfundim të trajnimit angazhohet të pajisë pjesëmarrësit me certifikatë në bashkëpunim me AKSK.

Neni 4

Angazhimet dhe të drejtat e AKSK

- 4.1 AKSK merr përsipër të ofrojë ekspertë të fushës për hartimin dhe zhvillimin e kurrikulave për trajnimet në sektorin e sigurisë kibernetike dhe inteligjencës artificiale bazuar në standardet dhe zhvillimet teknologjike të fushës së sigurisë kibernetike dhe inteligjencës artificiale.
- 4.2 AKSK merr përsipër të ofrojë trajnerë të specializuar për realizimin e sesioneve informuese, workshop-eve dhe trajnimeve me qëllim zhvillimin e kapaciteteve të nëpunësve të administratës publike, për njohuritë që lidhen ngushtësisht me fushën e sigurisë kibernetike dhe inteligjencës artificiale.
- 4.3 AKSK ka të drejtë të vendosë për kohën dhe për periudhën e përshtatshme të realizimit të trajnimeve.
- 4.4 AKSK angazhohet që të ofrojë mbështetje logjistike për realizimin e trajnimeve në fushën e sigurisë kibernetike dhe inteligjencës artificiale nëpërmjet sigurimit të ambienteve ose platformave për zhvillimin e trajnimeve online.

Neni 5

Kohëzgjatja e marrëveshjes

- 5.1 Kjo marrëveshje bashkëpunimi nënshkruhet nga palët pa afat dhe i shtrin efektet nga momenti i nënshkrimit të saj.
- 5.2 Secila palë mund të zgjidh marrëveshjen në çdo kohë nëpërmjet një njoftimi me shkrim drejtuar palës tjetër të paktën 30 (tridhjetë) ditë përpara.
- 5.3 Aktivitetet që janë në proces pas përfundimit të marrëveshjes do të përfundojnë në përputhje me dispozitat e kësaj marrëveshjeje.

Neni 6

Zgjidhja e mosmarrëveshjeve midis palëve

6.1 Çdo mosmarrëveshje që mund të lindë midis palëve në lidhje me interpretimin dhe zbatimin e kësaj marrëveshjeje, apo të ndonjë marrëveshjeje tjetër, ose dokumenti të nënshkruar nga palët për zbatimin e saj, do të zgjidhet miqësisht nga palët, në të kundërt do të aplikohen përcaktimet e legjislacionit në fuqi për zgjidhjen e mosmarrëveshjeve civile.

Neni 7

Njoftimet mes palëve

7.1 Çdo njoftim si dhe komunikim midis palëve lidhur me ndryshimet, shtesat apo me plotësimet që mund të lindin me kalimin e kohës për të realizuar këtë marrëveshje bashkëpunimi, do të kryhet në formë shkresore dhe do të konsiderohen si të dorëzuara rregullisht nëse dorëzohen dorazi, me postë të regjistruar, me postë elektronike ose me faks. Për kryerjen e kësaj procedure me efikasitet, palët caktojnë personat e kontaktit që janë përkatësisht:

Për ASPA:

Person Kontakti:

E-mail:.....

Tel:

Për AKSK:

Person Kontakti:

E-mail:

Tel: ...

7.2 Palët i komunikojnë njëra-tjetrës ndryshimet e mundshme të përfaqësuesve.

Neni 8

KOSTOT, SHPENZIMET DHE BURIME

Çdo Palë merr përsipër shpenzimet e veta personale dhe i siguron vetes burime për ekzekutimin e kësaj marrëveshjeje dhe shpenzimeve të tjera të lidhura me të. Të gjitha aktivitetet sipas kësaj Marrëveshjeje Bashkëpunimi do t'i nënshtrohen disponueshmërisë së burimeve financiare dhe njerëzore në përputhje me legjislacionin në fuqi.

Neni 9

Dispozita të Përgjithshme



8.1 Ndryshimet ose shtesat e pjesshme që do të bëhen kësaj marrëveshjeje do të jenë të vlefshme vetëm nëse bëhen me miratimin dhe nënshkrimin e të dyja palëve.

8.2 Një modifikim i kësaj marrëveshjeje do të hyjë në fuqi në datën e përcaktuar reciprokisht nga Palët.

8.3 Kjo marrëveshje është e hartuar në 2 (dy) kopje në gjuhën shqipe, nga një kopje për secilën palë.

PALËT

**SHKOLLA SHQIPTARE
ADMINISTRATËS PUBLIKE
DREJTORI I PËRGJITHSHËM**

**AUTORITETI KOMBËTAR
PËR SIGURINË KIBERNETIKE
DREJTORI I PËRGJITHSHËM**

